

## Bizigiro

# Conecta Fictioneak eta Eurohiriak telesailarako deialdi bat egin dute

Bihar, etzi eta etzidamu, Internet bidez ikusi ahalko dira koprodukzioen topaketako ekitaldiak



Urtzi Urkizu



Geraldine Godard Conecta Fiction koprodukzio topaketako zuzendaria, 2019an, Iruñean. © IÑAKI PORTO / EFE

2021eko ekainak 27



Nazioarteko koprodukzioen inguruko Conecta Fiction topaketa bitan banandu dute aurtun: lehen ekinaldiak bihar hasi eta asteazkenean arte iraungo du, eta ekitaldi guztiak Internet bidezkoak izango dira; irailaren 13tik 17ra, berriz, Iruñeko Baluarte jauregian egingo dituzte ekitaldiak –duela bi urte ekarri zuten topaketa Galiziatik Nafarroara–.

Conecta Fictioneako berrikuntzen artean, nabarmenenetakoa Euskal Eurohiriarekin elkarlanean martxan jarri duten telesailak garatzeko deialdia da. Fikziozko telesailak, telesail laburrak eta dokufikzioak garatzeko laguntza eta sariak emango dituzte. Uztailaren 5ean amaituko da proiektuak aurkezteko epea, eta dokumentazio osoa ingelesez aurkeztu behar dute hautagaiek.

Sarien artean, France3 Akitania Berriak 10.000 euro emango ditu proiektua garatzeko; diru kopuru bera emango du EITBk; Euskal Eurohiriak 6.000 euroko sari bat emango du; eta Navarra Television kateak promoziorako bideoen laguntza eskainiko du.

Akitania Berriko eta Hego Euskal Herriko adituz osatutako epaimahaiak hiru finalista aukeratuko ditu. Era berean, nazioarteko *pitching* saioak egingo dituzte irailean, Iruñean, Conecta Fiction topaketan.

Proiektuek Euskal Eurohiriarekin lotura izan behar dutela diote oinarriek. Hizkuntzaren erabileraz, bestalde, honako hau dio deialdiak: «Proiektuen artean baloratu egingo da hiru eskualdeen hizkuntzetakoren bat erabiltzea: gaztelania, frantsesa edo euskara».

Euskal Euskohiriko zenbait ordezkariak Internet bidezko ekitaldi batean parte hartuko dute Conecta Fictionean, asteazkenean: euroeskualde desberdinen arteko sinergiak sustatzearren inguruan mintzatuko dira Arola Urdangarin Akitania Berria-Euskadi-Nafarroa Eurohiriko zuzendaria eta Marie Hegui-Urain Eurohiri bereko kooperazio proiektuen kudeatzailea. Solasaldi horretan parte hartuko dute Xabier Bernards Sands Pirineus Mediterrania Eurohiriko zuzendari nagusiak eta Lorena Abelenda Pirineus Mediterraniako proiektu arduradunak ere.

## 'Florence Cassez auzia'

Herrialde desberdinetako ekoizleen artean garatutako zenbait proiektu aurkeztu dituzte azkeneko lau urteetan Conecta Fiction topaketan. Duela bi urte aurkeztu zuten proiektu bat Florence Cassez herritar frantziarraren auziaren ingurukoa da –Mexikon 60 urteko espetxe zigorra jarri zioten 2007an–. Preprodukzioan da auzi horretan oinarritutako telesaila, eta asteazkenean xehetasunak emango ditu Sandra Ouais ekoizle eta Elephant International konpainiako zuzendariak.

Conecta Fictioneako zuzendari Geraldine Godardek esan du topaketan «benetako merkatu bat» sortu dela profesionalentzat. «Ziurtatu dezakegu gaur egun merkatua dagoela eta negozioa egiten dela».

### Irakurle agurgarria:

Honaino iritsi zarenez, eskaera bat egin nahi dizugu: irakurtzen ari zaren edukia eta egunkaria babestea, konpromiso ekonomikoa hartuz. Publizitatea eta erakundeen diru-laguntzak ez dira nahikoa BERRIaren etorkizuna bermatzeko. Sarean eskaintzen dizugun edukia irakurtzen duzuen milaka irakurleek proiektuari ekarpena eginda, urrutira iritsiko ginateke.

Kazetaritza libre, ireki eta independentea egin nahi dugu euskaldunontzat. Euskaraz informatzea delako gure eginkizuna, eta zure eskubidea. Lagun gaitzazu bide horretan. Idatzi gurekin etorkizuna. Geroa zugan.

**Martxelo Otamendi**  
BERRIAko zuzendaria

Izan zaitez BERRIAlaguna

## Gehien irakurriak

### 1 Xalala, riki riki... Asier Villalibre, tronpeta jotzen

JON ORDOÑEZ GARMENDIA

### 2 Agurra

ANDONI EGAÑA

### 3 Gauzak

ONINTZA ENBEITA

### 4 «Ez dago ondo ikusita haurdunaldia gustatu ez zitzaizula esatea»

ANE INSAUSTI BARANDIARAN

### 5 Udako musika jaialdiak, isiltasuna hausteko prest

AITOR BIAIN